

*(De pace et concordia [a], occasione cuiusdam homicidii, inter
Livenses et Faventinos reformati.)*

CAP. CLXXXVI.

Cum dissensiones multae inter Livenses, quae quandoque in civitatibus exoriri
noscuntur [b], subiectione illius qui inter fratres discordias seminare non cessat, pul-
lulassent, occasione cuiusdam homicidii facti domini Giselmarii, et bellum et gladius
per civitatem Livensem ferretur, atque deserviret [c] undique sub anno a Virginis
partu mcccxxvii dominum Bonifacium de Pusterla eorum potestatem illuc (Faventi-
ni) [d] cum sapientibus viris miserunt celeriter et populum sub quodam Iohanne Car-
penterio nomine, viro provido satis et discreto de Scavania [e], iurare fecerunt, sta-
tuentes, quod si qua pars contra eum agere praesumpserit, Faventinorum communitas
alteram partem, nuncio Faventinorum super eorum animas in plena Livensium con-
cione iurante, defenderent. Hoc illud idem [f] Faventini, Livensium nuncio [g] pre-
sente, in plena Faventinorum concione, firmiter attendere iuraverunt. Nam, infra tem-
pus breve, cum illis amicitiam renovaverunt [h]; et sic inter eos pax et concordia,
Deo concedente et bonorum amicorum adiutorio, est reformati.

Inundatio aquarum.

CAP. CLXXXVII.

Anno Domini mcccxxviii fuit vehemens inundatio aquarum, mense Ianuario, in par-
tibus Italiae et maxime in comitatu Faventino. Nam aquae fluminis Alamonis et
Simioli adeo intumuerunt, quod extra civitatem creverunt per totum campum Episco-
pi. Arcus vero pontis portae Pontis [i] fere claudabatur ab illis [j]; infra civitatem
vallaverunt usque domum Mainardini.

*Quando Faventini ierunt in
servitium Bononiensium apud Baganum.*

CAP. CLXXXVIII.

Cum hostis antiquus, humanae propaginis insidiator, graviter ferens quae circa
salutem Bononiensium gerebantur, novas artes virulento pectore versans, cruentis

[a] De pace et concordia etc. Titulus deerat in Codd. — [b] exoriri noscuntur. Lego noscantur
cum cl. Mitt.; Codd. habent; nascuntur. Insuper adesse in C. M. videtur lacuna hic, quae an arte vel
casu fuerit relicta, non facile definirem. — [c] ferretur atque deserviret, C. M.; fortiter deserviret, C. V.
— [d] illuc Faventini. Addidi: Faventini; nam sane subintelligi debent. — [e] de Scavania. Sic Codd. —
[f] Hoc illud idem, C. V.; hoc illud item, Cl. Mitt. — [g] nuncio. Sic Codd. — [h] amicitiam renovave-
rant. Sic Codd.; at cl. Mitt., amicitiam renovaverunt. — [i] Arcus vero pontis portae Pontis. Sic lego. In
Codd., arcus vero pontis porta Pontis. — [j] claudabatur ab illis. Sic lego. Codd., claudabatur ab illa.